

Mycoplasma genitalium

Kilala rin bilang MG

Ang Mycoplasma genitalium (MG) ay isang impeksyon sa bacteria na naipapasa habang nakikipagtalik nang hindi gumagamit ng condom.

MGA MABILISANG KAALAMAN

- Ang Mycoplasma genitalium (MG) ay isang STI na nakakaapekto sa cervix, urethra at puwet
- Walang sintomas ang karamihan sa mga taong may mycoplasma genitalium
- Ang pagsusuri ay karaniwang isang sample ng ihi, swab sa ari o cervix, o swab sa puwet
- Ginagamot ang Mycoplasma genitalium gamit ang mga antibiotic

Ano ito? (What is this?)

Ang Mycoplasma genitalium (MG) ay isang STI na nakakaapekto sa cervix, urethra at puwet.

Paano ka magkakaroon nito? (How do you get it?)

Naipapasa ang MG sa pamamagitan ng vaginal at anal na pakikipagtalik sa isang taong may MG nang hindi gumagamit ng condom.

Ano ang mga sintomas? (What are the symptoms?)

Babae (Vagina)

Kung babae ka, maaari kang makaranas ng:

- pananakit ng puson
- pananakit habang nakikipagtalik
- hindi pangkaraniwang lumalabas sa ari
- pagkirot kapag umiihi
- hindi pangkaraniwang pagdurugo sa ari

Lalaki (Penis)

Kung lalaki ka, maaari kang makaranas ng:

- pagkirot kapag umiihi
- lumalabas mula sa ari

Paano ka masusuri para dito? (How do you test for it?)

Kung babae ka, ang pagsusuri ay karaniwang isang sample ng ihi, swab sa ari o sa cervix.

Kung lalaki ka, ang pagsusuri ay karaniwang isang sample ng ihi.

Kung mayroon kang impeksyon sa puwet, ang pagsusuri ay isang swab sa puwet.

Paano ito ginagamot? (How is it treated?)

Karaniwang ginagamot ang MG sa pamamagitan ng pag-inom ng dalawang antibiotic. Kailangang inumin ang mga ito para malunasan ang impeksyon.

2 - 3 linggo pagkatapos inumin ang mga antibiotic, kailangan mong muling magpasuri para matiyak na gumana ang mga antibiotic.

Hindi ka dapat makipagtalik o gumamit ng mga condom o dam 100% ng panahon para sa lahat ng pakikipagtalik hanggang magkaroon ka at ang iyong (mga) kapareha ng negatibong resulta ng pagsusuri sa MG.

Paano ko poprotektahan ang aking sarili? (How can I protect myself?)

Ang paggamit ng condom o dam tuwing nakikipagtalik ang pinakamagandang paraan para protektahan ang iyong sarili mula sa MG.

Ipaalam sa kanila (Let them know)

Kapag nasuri kang may STI na tulad nito, kailangang masuri ng doktor ang lahat ng iyong naging sekswal na kapareha sa nakaraang ilang buwan.

Napakahalaga na masuri ang lahat ng iyong sekswal na kapareha (regular at kaswal) dahil maaaring magdulot ng malalalang problema kung hindi magagamot ang mga STI.

Kung nahihirapan kang sabihin sa iyong mga kapareha, puwede mong gamitin ang [Ipaalam sa Kanila](http://letthemknow.org.au) (letthemknow.org.au) para sa mga halimbawang pag-uusap, email, text message at mga sulat na puwede mong ipadala sa iyong mga kapareha nang personal o nang hindi nakikilala.

Saan ako makakakuha ng tulong? (Where can I get help?)

- Bumisita sa isang serbisyo sa sekswal na kalusugan na malapit sa iyo
- Bumisita sa iyong lokal na doktor
- Bumisita sa lokal na sentrong pangkalusugan sa iyong komunidad

Maghanap ng mga serbisyo sa sekswal na kalusugan sa **StaySTIFree** (staystifree.org.au)

PAGTANGGI (DISCLAIMER)

Ibinibigay ng fact sheet na ito ang pangkalahatang impormasyon tungkol sa sekswal na kalusugan at hindi inilaan para palitan ang pangangailangang kumonsulta sa iyong doktor.

Kung mayroon kang mga alalahanin tungkol sa iyong kalusugan, dapat kang humingi ng payo sa iyong doktor.

Kung kailangan mo ng kagyat na pangangalaga, dapat kang pumunta sa pinakamalapit na Kagawaran sa Emerhensiya o tumawag sa 000.